

Lesing 98– 28 Junie 2022- Die Laatreëns vir Dogter van Sion Bruid

Openbaring 121 ontvang deur Daniel Grobbelaar op
28/10/19; 12H00

“So oorwin die LIEFDE altyd wanneer julle **MY Gereedskap en Wapenrusting** altyddeur gebruik om die duisternis, haat en twis te vermei, te verdryf en op te los. EK IS WAT EK IS en EK IS LIEFDE. Wees op julle wakkerste nou MY Boerevolk! Die tye is hier en gaan baie versleg omdat MY Planne en Doelwitte in werking is. EK wil julle uit die sisteem uit kry om sodoende die beste saligheid vir julle siele te bewerk waar EK alleenlik julle Koning sal wees. Hierdie sisteem het julle te lank gevange gehou en tesame daarmee het julle te gou vergemaklik in die valse veiligheid en valse vrede van die sisteem. EK en NET EK, bring die Ware Vrede en Verlossing!

Kyk, daar kom groot verwoesting oor die hele Aarde en haar hele oppervlak sal omvorm word tot nuwe vorme en materie. Die Aarde se pilare sal tot binne in die middel geruk word en alle materie sal voor MY Verterende LIEFDE beef! Maar vir hulle wat aan MY bly vashou het en MY LIEFDE hulle eie gemaak het, hulle sal die soet verlossing van MY Ewige Verlossende Bloed smaak. **EK sal hulle uitred en in ‘n toestand veilig bewaar totdat die verwoesting en verskrikking verby gegaan het.** EK wil nuwe dinge skep en heroprig vir MY kudde. EK sal die Belofte aan Abraham, Isak en Jakob bewerkstellig omdat EK ewig onveranderlik en getrou is. EK IS vol LIEFDE en Barmhartigheid.

Wees wakker MY Boerevolk en bieg nie meer voor **die dier en sy Isebel-gees** nie. Dit is sy wat baie verwoesting saai onder julle gemeentes, families en tot binne-in verhoudings. Aan alles wil MY teenpool julle bedwelmd maak sodat julle aan die slaap gesus kan word deur die moord op julle siele te loads. Sport is een van die baie middele wat julle volk byna ten gronde gerig het op hierdie tyd. Julle het agter die sportgode aangeloop tot binne-in hulle tempels. By die duisende der duisende **sit MY kinders binne hierdie tempels en vermaak hulle eie oë met valse vermaak en bedrog.** Dit dien as GEEN voeding vir julle siele se ewige lewe of bestemming nie! Julle gaan gevang word terwyl julle nog in julle bedwelming en verslaafheid is!

EK is alreeds hier en julle sal moet bedink die dag wanneer EK julle oë sal oopmaak en julle MY sal sien langs julle staan, maar julle is besig met besoedeling. O hoe verskriklik sal die benoudheid op daardie dag wees in julle harte! Waarom moet EK soveel waarsku en vermaan MY kinders? EK is so lief vir julle, maar julle hoor MY nie. Net sommige, wat weinig is, hoor MY Woorde en voer MY Wil uit. Net weiniges is baie lief vir MY, maar meeste van MY kinders wil niks van MY leer nie of niks met MY te doene hê nie. Waarom nie? Is EK dan nie so vol van LIEFDE en WYSHEID nie? Waarom wil julle nie belangstel in die LIEFDE en WYSHEID nie? Om nie eens te spreek van die

Waarheid nie! Ai MY kinders, hoe diep het hierdie materiële wêreld julle ingetrek, terwyl EK julle daarteen gewaarsku het.

MY wil is dat MY volk al hulle verskille sal los met mekaar en alle twiste sal laat verby gaan. Julle moet fokus op MY en MY LIEFDE en om julle laaste te dien in totale LIEFDE. Daar is nie meer tyd vir wêrelde plesiere en genot van MY teenpool nie. So ‘n klein bietjie tyd oor om julle siele te berei vir die groot Dag van JAHWEH! Want EK SAL MY WIL UITVOER VIR MY KUDDE! Neem MY Woorde in ag en let daarop. Omvorm julle lewens tot geestelike ewige lewens wat Vrugte dra. MY Oë glinster van Liefde vir julle en daarom wil EK julle sterk maak om deur hierdie tye staande te kan bly in MY. Kyk nie links of regs nie, kyk net na MY en kyk daar waar EK vir julle wys wat julle moet doen en met wie, **om MY LIEFDE uit te straal.** Want MY LIEFDE bring Lig, Warmte en Lewe; MY LIEFDE bring versterking, Hoop en Genesing. Dit is waarom dit so belangrik is om altyd Vrolik te bly in MY LIEFDE, want dit hou julle sterk in MY.

Tot hier MY kneg, maar hoor MY wanneer EK weer tot MY volk sal spreek.

EK IS WAT EK IS, JAHSUA.”

Openbaring 122 ontvang op 31/10/19; 10H00

“MY kneg, skryf weer en let op MY Stem. Ai, EK is so lief vir jou! EK is so lief vir elkeen van MY kinders! En nee, MY LIEFDE vir julle kan nie gemeet of getel word nie, omdat MY LIEFDE oneindig is! Hoe wonderbaar is dit vir MY as VADER om julle gebede aan te hoor vanuit julle mooi harte. Hoe heerlik is die reuk van liefdes-seëninge wat julle uitstuur na julle volksgenote! Hoe sag en mooi is dit wanneer julle met LIEFDE julle naaste help en oprig! Julle is oneindig waardevol vir MY en julle mag geensins ooit voel asof julle geen nut het op hierdie Aarde of by MY nie. EK het ‘n wonderbare doel met elkeen van julle, julle moet net op MY let om hierdie doel te ontdek. ‘n Lewe saam met MY is geseënd en seker, maar ‘n lewe sonder MY lei na onsekerhede, ongelukkigheid en skep ‘n leemte in sulke siele. Weet dat ‘n lewe saam met MY, ‘n lewe vol van LIEFDE, Waarheid, Wysheid en Vrolikheid is. Weet dat EK die oorwinning sal gee wanneer julle ‘n welbehaaglike lewe bewandel voor MY Aangesig. Dit is MY beloftes. EK IS WAT EK IS, en EK IS, EK IS SHUA! EK VERLOS!

‘n Lewe gelewe sonder MY lei na die Afgrond en sulke siele word ontbind in ‘n smartlike besef dat sy na haar Ewige MAN moes kyk en luister. ‘n Lewe sonder MY lei na geen ware Vrede en Vreugde nie, al ervar sulke siele soms wêrelde vrede, maar dit lei na teleurstelling. ‘n Lewe waar EK nie eerste geplaas en geraadpleeg word nie, lei na roekeloze besluite en dwarse denke en handelinge. Dit lei na skade en

vervloekinge wat sulke siele self oor hulle bring. Onthou **MY Deuteronomium 28**, MY kinders. Gaan terug en gaan lees dit weer, omdat dit so belangrik is in die tye wat kom, waar EK SELF hierdie Lewende, Gesproke en Geskrewe Woorde weer sal spreek tot MY volk. Weer sal EK MY volk voor 'n keuse stel, of MY of MY teenpool. **Maar, dit sal EK ook laat geskied deur MY Bruid wat EK sal oprig en wat EEN met MY sal word.**

MY teenpool is besig met groot duiwelse planne teen MY Dogter van Sion, MY Huis van Israel en MY Huis van Judah! Wanneer julle nie 'n lewe saam MY bewandel nie, dan sal julle oorval word deur hulle duiwelse planne. EK kan julle nie forseer om MY te aanvaar, om na MY te luister of om MY lief te hê nie, maar weereens herinner EK julle aan **Deuteronomium 28!** Dit is hoe MY Raadsplanne werk: Wanneer julle MY Wet van LIEFDE oortree en die LIEFDE benadeel, dan tree MY Wet van Sonde en Versoening in werking wat ook vanuit MY LIEFDE voortkom. **Groot besoedeling, groot moord en groot oorlog kom oor die kors van die Aarde en vanuit die afgrond kom uiterste bose geeste en trawante van MY teenpool om die mensdom te pynig.** Edom, Esau, Kain! Julle wat beweer dat julle MY volk is en dat julle die voorstanders is in MY Hemele, wee julle! Die wat eerste wil wees sal laaste wees!

MY volk, julle weet wie julle is! Staan op in MY en val nie vir die dier se agendas, mooi woorde en beloftes nie! **Want hierdie dier draai om en verslind julle siele!** Leef in en saam met MY, met MY in julle! Verseël julle met MY LIEFDE en MY VERLOSSING deur om

gehoorsaam te wees aan MY Opdragte en Wet. Wees lief vir MY, en Geloof moet julle hê in MY en MY Woorde. Dan sal julle geensins vrees hê vir al die onheil wat die Aarde sal tref nie. EK sal julle veilig bewaar vir MY Doelwitte en julle Vryheid. **EK is lief vir julle! MY Dogter van Sion, by wie MY Gilgal-Wawiel opgerig is,** wees geseënd op julle wandelinge op die Speke van Waarheid. Wees geseënd in julle uitvoering van MY Woorde en in julle LIEFDE aan MY en julle mede-volksgenote. Mag MY Lig deur julle weergalm en alle vrees en duisternis verdryf in julle volk! Dit IS EK! Net EK, EK IS WAT EK IS, wat hierdie dinge uitvoer en dit is EK wat berei en verlos. Dit is EK wat julle sal beskerm en uitlei na waar EK julle wil hê.

Wees hoopvol en vol Vreugde, want hierdie tye smag na vrolike gesang tot MY! Dit is ook die rede waarom die reëns nie kom nie. Die reëns is die Vrolikheid van Lewe wat neerdaal **oor die Aarde en Grond van julle siele.** Maar wanneer julle nie tot Vrolikheid in Lewe en Liefde omvorm nie, bly julle grond en aarde ondankbaar en onontvanklik vir MY Woorde en Lewe. Daarom het EK gesê, gaan leer uit die natuur en vra MY vir die Verborgenhede. Word weer vrolik en vol Geloof, Hoop en Liefde, dan sal MY Reëns en Laatreëns kom oor die Aarde en ook in julle siele. Groot is MY Dag, MY Nuwe Dag! Roem in MY, omdat EK julle Elohim is! Die LEWENDE Volmaakte EK IS! Tot hier MY kneg en onthou dat EK julle elkeen altyd bystaan en vergesel deur die lewe."